



ՄՈՍԿՎԱՅԻ ԵՎ ՀԱՄԱՅՆ ՌՈՒՍԻՈ ՆՈՐԻՆ ՍՐԲՈՒԹՅՈՒՆ
Տ. ՊԻՄԵՆ ՊԱՏՐԻԱՐԺԻ ԽՈՍՔԸ ԱՄԵՆԱՅՆ ՀԱՅՈՑ
ՎԵՀԱՓԱՌ ՀԱՅՐԱՊԵՏԻ ԵՎ ՀԱՅ ԵԿԵՂԵՑՎՈ
ՊԱՏՎԻՐԱԿՈՒԹՅԱՆ ՊԱՏՎԻՆ ՏՐՎԱԾ ԾԱՇԿԵՐՈՒՅԹԻՆ
(Մոսկվա, 21 հուլիս, 1974)

Հոգեկան մեծ թերկրանքն ու երջանկությունը ունենք, այսօր, պատվելու Հայոց առաքելական եկեղեցու բարձրաստիճան պատվիրակությունը, Նորին Սրբություն, Ծայրագույն Պատրիարք և կաթողիկոս Ամենայն Հայոց Տ. Վազգեն Ա-ի գլխավորությամբ:

Անցյալում, այստեղ, Մոսկվայում, մի անգամ չէ, որ ողջունել ենք Նորին Սրբությունը և հայ եկեղեցու բարձրաստիճան այլ հոգևորականներին, քանի որ վաղուց մեր միջև հաստատվել են հիրավի եղբայրական հարաբերություններ:

Ռուս պրավոսլավ եկեղեցու բարձրաստիճան հոգևորականներ շատ հաճախ այցելել են բազմադարյան Հայաստան և մասնակցել ս. Էջմիածնում մեր քրիստոնյա եղբայրների եկեղեցական, սրբազան արարողություններին:

Բոլորովին վերջերս, Տիրոջ կամքով, Մենք այցելեցինք հայ եկեղեցու Սրբություն Սրբոցը և Ձերդ Սրբության հյուրը եղանք հնադարյան այդ հոգեվոր կենտրոնում՝ ս. Էջմիածնում, մի կենտրոն, որի անունը և պատմությունը կապված է ս. Գրիգոր Լուսավորչի հիշատակի հետ:

Մենք երբեք չենք մոռանա, հիրավի՝ եղբայրական, Ձեր սրտաբաց ընդունելությունը, որը ցույց տվեցիք Մեզ և Մեզ ընկերակցող մեր եկեղեցու հոգևորականներին:

Ձեր այս այցելությունը մեր սուրբ եկեղեցուն հանդիսանում է ապացույցը եղբայրական հարաբերությունների խորացմանն ու ամրապնդմանը ռուս պրավոսլավ և հայ առաքելական եկեղեցիների միջև:

Մենք սրտեռանդն աղոթում ենք, որպեսզի Տերը օրհնի փոխըմբռնման և համերաշխության ամրապնդումը մեր եկեղեցիների միջև, որպեսզի բարեհաջող կերպով զարգանա մեր համագործակցությունը ինչպես Էկումենիկ գործունեության ասպարեզում, այնպես էլ խաղաղության ի նպաստ կատարած միաստեղ աշխատանքներում:

«Էջմիածին» խորհրդանշան բառի հետ, բառ, որը նշանակում է «Միածին իջավ», մենք կարող ենք գործածել նաև «Աստված մեզ հետ է» արտահայտությունը, որպեսզի դրանով ցույց տանք մեր հավատքի և առաքելության հիմնական ընդհանրությունը: Մենք բարձր ենք գնահատում Հայց. առաք. եկեղեցու հոգևոր ու պատմական փորձը, բազմադարյան, հարուստ, քրիստոնեական մշակույթի իր հուշարձաններով:

Ռուս պրավոսլավ եկեղեցու աստվածաբաններ ձգտում են յուրացնել այդ թանկագին, արժեքավոր ժառանգությունը, իր հիմնական արտահայտությունների մեջ և դրանցով հարստացնել մեզ:

Մենք խորը բավականությամբ նշում ենք, արդարև, նաև երկու եկեղեցիների միջև գոյություն ունեցող եղբայրական համագործակցությունը՝ Էկումենիկ բնագավառում, հատկապես Եկեղեցիների համաշխարհային խորհրդում:

Մենք մեծ նշանակություն ենք տալիս մեր միասնական աշխատանքներում, խառը կոմիսիայի մեջ օրթոդոքս եկեղեցիների և պատմական արևելյան ուղղափառ եկեղեցիների միջև կատարվող դիալոգներին:

Մենք հավաստիացնում ենք ձեզ, մեր թանկագին եղբայրներ, որ ռուս պրավոսլավ եկեղեցին առաջիկայում ևս պիտի ձգտի հիրավի եղբայրական համագործակցության հայ եկեղեցու հետ, այն Էկումենիկ, կարևոր հարցերի լուծման բնագավառում, հարցեր, որոնք այժմ մեր առջևն են և որոնք կարիքն ունեն ընդհանուր ուսումնասիրության, միահամուռ միասնականության և ընդհանուր գործունեության:

Խոսելով մեր միջև Էկումենիկ սպասումների մասին, մենք միաժամանակ ցանկություն ենք հայտնում նշել մեր եկեղեցիների գործունեության շրջանակներում, կարևոր ուրիշ պատասխանատվություններ, ինչպիսիք են ժողովուրդների միջև խաղաղություն, քրիստոնեական ծառայություն, մասնակցություն մարդկային հասարակության կյանքում խաղաղ գոյակցության աշխատանքներին:

Մենք հիշում ենք մեր Տիրոջ խոսքը, որը երանի է տալիս խաղաղություն ստեղծողներին և հիշեցնում է մեզ, որ մեր նմանի հանդեպ սերը ամենամեծ պատգամն է, որը չկատարվելով կոադարի Աստուծո հանդեպ նվիրյալ սեր լինելուց:

Մենք ոգևորվում ենք հայ առաք. եկեղեցու հետ մի ընդհանուր ծառայության մեջ, այն ամենակարևոր հարցում, որ է մեր մնացուն և ակտիվ մասնակցությունը հոգուտ խաղաղության կատարված աշխատանքներում:

Մենք հատկապես ընդգծում ենք այն դրական ներդրումը, որը մշտապես կատարում է հայոց եկեղեցին, խաղաղության քրիստոնեական կոնֆերանսների գործունեության համար:

Մենք գոհություն ենք մատուցում Աստծուն հայ առաք. եկեղեցու և մեր եկեղեցու միջև գոյություն ունեցող եղբայրական հարաբերությունների և համագործակցության համար, ինչպես մեր երկրում, այնպես էլ նրա սահմաններից դուրս:

Թույլ տվեք, Ջերդ Սրբություն, Ջերդ ամենապատվություն, բարձրաստիճան ու թանկագին հայ հոգևորական եղբայրներ, բաժակ բարձրացնել հայ առաք. եկեղեցու պայծառության համար, հայ և ռուս եկեղեցիների եղբայրական համագործակցության համար, մեր սիրեցյալ եղբայր Նորին Սրբություն Ծայրագույն Պատրիարք և կաթողիկոս Ամենայն Հայոց Վազգեն Ա-ի առողջության կենաց, մեր սիրեցյալ եղբայր նորին ամենապատվություն Երու-

ստղենի հայոց պատրիարք տ. Եղիշեն արքեպ. Տերտերյանի, ինչպես նաև Հայց. առաք. եկեղեցու հարգամեծար և բարձրաստիճան հոգևորականության և հովիվների ստողության կենաց: Թույլ տվեք բաժակ սուաջարկել նաև մեր հայրենիքի բարօրության և ամբողջ աշխարհի խաղաղության և արդարության համար:





ԱՄԵՆԱՊԱՏԻՎ Տ. ԵՂԻԾԵ ՍՐԲԱԶԱՆ ՊԱՏՐԻԱՐԿ ՀԱՅՈՑ ԵՐՈՒՍԱԿԵՄԻ